

經

大日本  
校訂

大藏經

{ 次 目 九 黃 }

○金光明最勝王經  
○金光明經  
○合部金光明經

十 卷  
四 卷  
八 卷

目錄依明藏與金光明最勝王經品目  
今異者改之

見下明無金鼓  
二字

淨上同無最字

二同作餘

明無此序本文  
出于總目錄首  
○中興宋元俱  
作龍興○御製  
元作中宗皇帝  
製

卷第一 序品第一 如來壽量品第二

卷第二 分別三身品第三 夢見金鼓懺悔品第四

卷第三 滅業障品第五

卷第四 最淨地陀羅尼品第六

卷第五 蓮華喻讚品第七 金勝陀羅尼品第八 重顯空性品第九 依空滿願品第十 四天王觀察人

天品第十一

卷第六 四天王護國品第十二

卷第七 無染著陀羅尼品第十三 如意寶珠品第十四 大辯才天女品第十五之一

卷第八 大辯才天女品第十五之二 大吉祥天女品第十六 大吉祥天女增長財物品第十七 堅牢地

神品第十八 僧慎爾耶藥叉大將品第十九 王法正論品第二十

卷第九 善生王品第二十一 諸天藥叉護持品第二十二 授記品第二十三 除病品第二十四 長者

子流水品第二十五

卷第十 捨身品第二十六 十方菩薩讚歎品第二十七 妙幢菩薩讚歎品第二十八 菩提樹神讚歎品

第二十九 大辯才天女讚歎品第三十 付囑品第三十一

金光明最勝王經品目終

大唐中興三藏聖教序 御製

金光明最勝王經卷第一

〔麗食三采場〕元場明場

譯號三本俱無  
大字沙門同作  
法師下皆同

序品第一

大唐三藏沙門義淨奉

制譯

那下同無聲字  
攝同作葉下  
同○惟同作唯  
下同

化下同無聲字  
教下同無悉  
字

栴明作旃○醫  
三本俱作翳

如是我聞。一時薄伽梵。在王舍城鷲峯山頂。於最清淨甚深法界。諸佛之境。如來所居。與大慈芻衆九萬八千人。皆是阿羅漢。能善調伏。如大象王。諸漏已除。無復煩惱。心善解脫。慧善解脫。所作已畢。捨諸重擔。逮得已利。盡諸有結。得大自在。住清淨戒。善巧方便。智慧莊嚴。證入解脫。已到彼岸。其名曰具壽阿若憍陳如。具壽阿說侍多。具壽婆濕波。具壽摩訶那摩。具壽婆帝利迦。大迦攝波。優樓頻螺迦攝。伽耶迦攝。那提迦攝。舍利子。大目犍連。惟阿難陀。住於學地。如是等諸大聲聞。各於哺時。從定而進。往詣佛所。頂禮佛足。右遶三匝。俱坐一面。復有菩薩摩訶薩。百千萬億人俱。有大威德。如大龍王。名稱普聞。衆所知識。施戒清淨。常樂奉持。忍行精勤。經無量劫。超諸靜慮。繫念現前。開闢慧門。善修方便。自在遊戲。微妙神通。逮得總持。辯才無盡。斷諸煩惱。累染皆亡。不久當成一切種智。降魔軍衆。而擊法鼓。制諸外道。令起淨心。轉妙法輪。度人天衆。十方佛土。悉已莊嚴。六趣有情。無不蒙益。成就大智。具足大忍。住大慈悲。心有大堅固力。歷事諸佛。不般涅槃。發弘誓心。誓未來際。廣於佛所。深種淨因。於三世法。悟無生忍。逾於二乘。所行境界。以大善巧。化導衆生。同於大師。教悉能敷演。祕密之法。甚深空性。皆已了知。無復疑惑。其名曰無障礙轉法輪菩薩。常發心轉法輪菩薩。常精進菩薩。不休息菩薩。慈氏菩薩。妙吉祥菩薩。觀自在菩薩。總持自在王菩薩。大辯莊嚴王菩薩。妙高山王菩薩。大海深王菩薩。寶幢菩薩。大寶幢菩薩。地藏菩薩。虛空藏菩薩。寶手自在菩薩。金剛手菩薩。歡喜力菩薩。大力菩薩。大莊嚴光菩薩。大金光莊嚴菩薩。淨戒菩薩。常定菩薩。極清淨慧菩薩。堅固精進菩薩。心如虛空菩薩。不斷大願菩薩。旃藥菩薩。療諸煩惱病菩薩。醫王菩薩。歡喜高王菩薩。得上授記菩薩。大雲淨光菩薩。大雲持法菩薩。大雲名稱喜樂菩薩。大雲現無邊稱菩薩。大雲師子吼菩薩。大雲牛王吼菩薩。大雲吉祥菩薩。大雲寶德菩薩。大雲日藏菩薩。大雲月藏菩薩。大雲星光菩薩。大雲火光菩薩。大雲電光菩薩。大雲雷音菩薩。大雲慧雨充遍菩薩。大雲清淨雨王菩薩。大雲花樹王菩薩。大雲青蓮花香菩薩。大雲寶栴檀香清涼身菩薩。大雲除闇菩薩。大雲破闇菩薩。如是等無量大菩薩衆。



茶宋元俱作茶  
下同

各於晡時從定而起往詣佛所頂禮佛足右遶三市退坐一面復有梨車毗童子五億八千其名曰師子光童子師子  
慧童子法授童子因陀羅授童子大光童子矢猛童子佛護童子法護童子僧護童子金剛護童子虛空護童子虛空  
吼童子寶藏童子吉祥妙藏童子如是等人而爲上首悉皆安住無上菩提於大乘中深信歡喜各於晡時往詣佛所  
頂禮佛足右遶三市退坐一面復有四萬二千天子其名曰喜見天子喜悅天子日光天子月髻天子明慧天子虛空  
淨慧天子除煩惱天子吉祥天子如是等天子而爲上首皆發弘願護持大乘紹隆正法能使不絕各於晡時往詣佛  
所頂禮佛足右遶三市退坐一面復有二萬八千龍王蓮華龍王瞿羅龍王大力龍王大吼龍王小波龍王持駛水  
龍王金面龍王如意龍王如是等龍王而爲上首於大乘法常樂受持發深信心稱揚擁護各於晡時往詣佛所頂禮  
佛足右遶三市退坐一面復有三萬六千諸藥叉衆毗沙門天王而爲上首其名曰庵婆藥叉持庵婆藥叉蓮花光藏  
藥叉蓮花面藥叉螺眉藥叉現大怖藥叉動地藥叉吞食藥叉是等藥叉悉皆愛樂如來正法深心護持不生疲懈各  
於晡時往詣佛所頂禮佛足右遶三市退坐一面復有四萬九千揭路荼王香象勢力王而爲上首及餘健闍婆阿蘇  
羅緊那羅莫呼洛伽等山林河海一切神仙并諸大國所有王衆中宮后妃淨信男女人天大衆悉皆雲集咸願擁護  
無上大乘讀誦受持書寫流布各於晡時往詣佛所頂禮佛足右遶三市退坐一面如是等聲聞菩薩人天大衆龍神  
八部既雲集已各各至心合掌恭敬瞻仰尊容目未曾捨願樂欲聞殊勝妙法爾時薄伽梵於日晡時從定而起觀察  
大衆而說頌曰

|       |       |       |       |       |       |       |
|-------|-------|-------|-------|-------|-------|-------|
| 金光明妙法 | 最勝諸經王 | 甚深難得聞 | 諸佛之境界 | 我當爲大衆 | 宣說如是經 | 并四方四  |
| 威神共加護 | 東方阿閼尊 | 南方寶相佛 | 西方無量壽 | 北方天鼓音 | 我復演妙法 | 吉祥懺中勝 |
| 能滅一切罪 | 淨除諸惡業 | 及消衆苦患 | 常與無量樂 | 一切智根本 | 諸功德莊嚴 | 衆生身不具 |
| 壽命將損滅 | 諸惡相現前 | 天神皆捨離 | 親友懷瞋恨 | 眷屬悉分離 | 彼此共乖違 | 珍財皆散失 |
| 惡星爲變怪 | 或被邪蟲侵 | 若復多憂愁 | 衆苦之所逼 | 睡眠見惡夢 | 因此生煩惱 | 是人當澡浴 |
| 應著鮮潔衣 | 於此妙經王 | 甚深佛所讚 | 專注心無亂 | 讀誦聽受持 | 由此經威力 | 能離諸災橫 |

善三本俱作若

品目上明無金

光明最勝王經  
七字下品目上  
有經名著皆同  
○殖同作植

琉璃作瑠○芬  
宋作分

西下三本俱無  
方字○北下同  
無方字○跌明  
作跌

及餘衆苦難 無不皆除滅 護世四王衆 及大臣眷屬 無量諸藥叉 一心皆擁衛 天辯才女

尼連河水神 訶利底母神 堅牢地神衆 梵王帝釋主 龍王緊那羅 及金翅鳥王 阿羅羅天衆

如是天神等 并將其眷屬 皆來護是人 晝夜常不離 我當說是經 甚深佛行處 諸佛祕密教

千萬劫難逢 若有聞是經 能爲他演說 若心生隨喜 或設於供養 如是諸人等 當於無量劫

常爲諸天人 龍神所恭敬 此福聚無量 數過於恒沙 讀誦是經者 當獲斯功德 爲十方尊

深行諸菩薩 擁護持經者 令離諸苦難 供養是經者 如前澡浴身 飲食及香花 恒起慈悲意

若欲聽是經 令心淨無垢 常生歡喜念 能長諸功德 若以尊重心 聽聞是經者 善生於人趣

遠離諸苦難 彼人善根熟 諸佛之所讚 方得聞是經 及以懺悔法

金光明最勝王經如來壽量品第二

爾時王舍大城有一菩薩摩訶薩名曰妙幢已於過去無量俱胝那由多百千佛所承事供養殖諸善根是時妙幢菩

薩獨於靜處作是思惟以何因緣釋迦牟尼如來壽命短促惟八十年復作是念如佛所說有二因緣得壽命長云何

爲二一者不害生命二者施他飲食然釋迦牟尼如來曾於無量百千萬億無數大劫不害生命行十善道常以飲食

惠施一切飢餓衆生乃至己身血肉骨髓亦持施與令得飽滿況餘飲食時彼菩薩於世尊所作是念時以佛威力其

室忽然廣博嚴淨帝青琉璃種種衆寶雜彩間飾如佛淨土有妙香氣過諸天香以覆充滿於其四面各有上妙師子

之座四寶所成以天寶衣而敷其上復於此座有妙蓮花種種珍寶以爲嚴飾量等如來自然顯現於蓮花上有四如

來東方不動南方寶相西方無量壽北方天鼓音是四如來各於其座加趺而坐放大光明周遍照耀王舍大城及此

三千大千世界乃至十方恒河沙等諸佛國土雨諸天花奏諸天樂爾時於此瞻部洲中及三千大千世界所有衆生

以佛威力受勝妙樂無有乏少若身不具皆蒙具足盲者能視聾者得聞瘡者能言愚者得智若心亂者得本心若無

衣者得衣服被惡賤者人所敬有垢穢者身清潔於此世間所有利益未曾有事悉皆顯現爾時妙幢菩薩見四如來

及希有事歡喜踊躍合掌一心瞻仰諸佛殊勝之相亦復思惟釋迦牟尼如來無量功德惟於壽命生疑惑心云何如

三本俱作滿

數同作算

度明作數

衆同作諸  
令同作合

寶三本俱作財

來功德無量。壽命短促唯八十年。爾時四佛告妙幢菩薩言。善男子。汝今不應思忖。如來壽命長短。何以故。善男子。我等不見諸天。世間。梵。魔。沙門。婆羅門。等人。及非人。有能算知佛之壽量。知其齊限。惟除無上正遍知者。時四如來。欲說釋迦牟尼佛所有壽量。以佛威力。欲色界天諸龍鬼神。健闍婆阿蘇羅。揭路荼緊那羅。莫呼洛伽。及無量百千億那由多菩薩摩訶薩。悉來集會。入妙幢菩薩淨妙室中。爾時四佛於大衆中。欲顯釋迦牟尼如來所有壽量。而說頌曰。

一切諸海水。可知其滲數。無有能數知。釋迦之壽量。析諸妙高山。如芥可知數。無有能數知。

釋迦之壽量。一切大地土。可知其塵數。無有能數知。釋迦之壽量。假使量虛空。可得盡邊際。

無有能數知。釋迦之壽量。若人住億劫。盡力常算數。亦復不能知。世尊之壽量。不害衆生命。

尤施於飲食。由斯二種因。得壽命長遠。是故大覺尊。壽命難知數。如劫無邊際。壽量亦如是。

妙幢汝當知。不應起疑惑。最勝壽無量。莫能知數者。

爾時妙幢菩薩。聞四如來說釋迦牟尼佛壽量無限。自言。世尊。云何如來示現如是短促壽量。時四世尊告妙幢菩薩。

言。善男子。彼釋迦牟尼佛於五濁世。出現之時。入壽百年。稟性下劣。善根微薄。復無信解。此諸衆生。多有我見。人見。衆

生。害者。養育邪見。我我所見。斷常見等。爲欲利益此諸異生。及衆外道。如是等類。令生正解。速得成就。無上菩提。是故

釋迦牟尼如來。示現如是短促壽量。善男子。然彼如來。欲令衆生見涅槃已。生難遭想。憂苦等想。於佛世尊所說經教。

速當受持。讀誦通利。爲人解說。不生謗毀。是故如來。現斯短壽。何以故。彼諸衆生。若見如來。不履涅槃。不生恭敬難遭

之想。如來所說甚深經典。亦不受持。讀誦通利。爲人宣說。所以者何。以常見佛。不尊重故。善男子。譬如有人見其父母。

多有財產珍寶。豐盈。便於財物。不生希有難遭之想。所以者何。於父財物。生常想故。善男子。彼諸衆生。亦復如是。若見

如來。不入涅槃。不生希有難遭之想。所以者何。由常見故。善男子。譬如有人父母貧窮。資財乏少。然彼貧人或詣王家。

或大臣舍。見其倉庫。種種珍寶。悉皆盈滿。生希有心難遭之想。時彼貧人爲欲求財。廣設方便。策勤無怠。所以者何。爲

於貧窮受安樂故。善男子。彼諸衆生。亦復如是。若見如來。入於涅槃。生難遭想。乃至憂苦等想。復作是念。於無量劫。諸

佛如來。出現於世。如鳥曇跋花。時乃一現。彼諸衆生。發希有心。起難遭想。若遇如來。心生敬信。聞說正法。生實語想。所

有經典悉皆受持不生毀謗。善男子。以是因緣。彼佛世尊。不久住世。遽入涅槃。善男子。是諸如來。以如是等善巧方便。成就衆生。爾時四佛說是語已。忽然不現。爾時妙幢菩薩摩訶薩。與無量百千菩薩及無量億那由多百千衆生。俱共往詣鷲峯山中。釋迦牟尼如來。正遍知所。頂禮佛足。在一面立。時妙幢菩薩。以如上事具白世尊。時四如來亦詣鷲峯。至釋迦牟尼佛所。各隨本方就座而坐。告侍者菩薩言。善男子。汝今可詣釋迦牟尼佛所。爲我致問。少病少惱。起居輕利。安樂行不。復作是言。善哉善哉。釋迦牟尼如來。今可演說金光明經甚深法要。爲欲饒益一切衆生。除去飢饉。令得安樂。我常隨喜。時彼侍者各詣釋迦牟尼佛所。頂禮雙足。却住一面。俱白佛言。彼天人師。致問無量。少病少惱。起居輕利。安樂行不。復作是言。善哉善哉。釋迦牟尼如來。今可演說金光明經甚深法要。爲欲饒益一切衆生。除去飢饉。令得安樂。爾時釋迦牟尼如來。應正等覺。告彼侍者諸菩薩言。善哉善哉。彼四如來。乃能爲諸衆生。饒益安樂。勸請於我。宣揚正法。爾時世尊。而說頌曰。

我常在鷲山 宣說此經寶 成就衆生故 示現般涅槃 凡夫起邪見 不信我所說 爲成就彼故 示現般涅槃

維摩作陛下同

時大會中有婆羅門。姓憍陳如。名曰法師。授記。與無量百千婆羅門衆。供養佛已。聞世尊說入般涅槃。涕淚交流。前禮佛足。白言。世尊。若實如來。於諸衆生。有大慈悲。憐愍利益。令得安樂。猶如父母。餘無等者。能與世間作歸依處。如淨滿月。以大智慧。能爲照明。如日初出。普觀衆生。愛無偏黨。如羅怛羅。惟願世尊。施我一願。爾時世尊默然而止。佛威力故。於此衆中。有梨車毗童子。名一切衆生喜見。語婆羅門憍陳如言。大婆羅門。汝今從佛欲乞何願。我能與汝。婆羅門言。童子。我欲供養無上世尊。今從如來。求請舍利。如芥子許。何以故。我曾聞說。若善男子。善女人。得佛舍利。如芥子許。恭敬供養。是人當生三十三天。而爲帝釋。是時童子。語婆羅門曰。若欲願生三十三天。受勝報者。應當至心。聽是金光明最勝王經。於諸經中。最爲殊勝。難解難入。聲聞獨覺。所不能知。此經能生無量無邊福德果報。乃至成辦無上菩提。我今爲汝略說其事。婆羅門言。善哉童子。此金光明。甚深最上難解難入。聲聞獨覺。尙不能知。何況我等。邊鄙之人。智慧微薄。而能解了。是故我今。求佛舍利。如芥子許。持還本處。置寶函中。恭敬供養。命終之後。得爲帝釋。常受安樂。云何汝



今不能爲我從明行足求斯一願作是語已爾時童子即爲婆羅門而說頌曰

被三本俱作披

證宋作證元作  
證明作證

令三本俱作使

救明作求

恒河駛流水 可生白蓮花 黃鳥作白形 黑鳥變爲赤 假使瞻部樹 可生多羅果 羯樹羅枝中

能出庵羅葉 斯等希有物 或容可轉變 世尊之舍利 畢竟不可得 假使用顛毛 織成上妙服

寒時可被著 方求佛舍利 假使蚊蚋足 可使成樓觀 堅固不搖動 方求佛舍利 假使水蛭蟲

口中生白齒 長大利如鋒 方求佛舍利 假使持更角 用成於梯蹬 可昇上天宮 方求佛舍利

鼠緣此梯上 除去阿蘇羅 能障空中月 方求佛舍利 若蠅飲酒醉 周行村邑中 廣造於舍宅

方求佛舍利 若使驢唇色 赤如頻婆果 善作於歌舞 方求佛舍利 烏與鵲鸛鳥 同共一處遊

彼此相順從 方求佛舍利 假使波羅葉 可成於傘蓋 能遮於大雨 方求佛舍利 假令大船舶

盛滿諸財寶 能令墮地行 方求佛舍利 假使鵲鸛鳥 以背銜香山 隨處任遊行 方求佛舍利

爾時法師授記婆羅門問此頌已亦以偈他答一切衆生喜見童子曰

善哉大童子 此衆中吉祥 善巧方便心 得佛無上記 如來大威德 能救護世間 仁可至心聽

我今次第說 諸佛境界思 世間無與等 法身性常住 修行無差別 諸佛體皆同 所說法亦爾

諸佛無作者 亦復本無生 世尊金剛體 權現於化身 是故佛舍利 無如芥子許 佛非血肉身

云何有舍利 方便留身骨 爲益諸衆生 法身是正覺 法界即如來 此是佛真身 亦說如是法

爾時會中三萬二天天子聞說如來壽命長遠皆發阿耨多羅三藐三菩提心歡喜踊躍得未曾有異口同音而說頌

曰 佛不般涅槃 正法亦不滅 爲利衆生故 示現有滅盡 世尊不思議 妙體無異相 爲利衆生故

現種種莊嚴

爾時妙幢菩薩親於佛前及四如來并二大士諸天子所聞說釋迦牟尼如來壽量事已復從座起合掌恭敬白佛言

世尊若實如是諸佛如來不般涅槃無舍利者云何經中說有涅槃及佛舍利令諸人天恭敬供養過去諸佛現有身

骨流布於世人天供養得福無邊今復言無致生疑惑惟願世尊哀愍我等廣爲分別爾時佛告妙幢菩薩及諸大衆

惟三本俱作唯下同

汝等當知云般涅槃有舍利者是密意說如是之義當一心聽善男子菩薩摩訶薩如是應知有其十法能解如來應正等覺真實趣說有究竟大般涅槃云何爲十一者諸佛如來究竟斷盡諸煩惱障所知障故名爲涅槃二者諸佛如來善能解了有情無性及法無性故名爲涅槃三者能轉身依及法依故名爲涅槃四者於諸有情任運休息化因緣故名爲涅槃五者證得真實無差別平等法身故名爲涅槃六者了知生死及以涅槃無二性故名爲涅槃七者於一切法了其根本證清淨故名爲涅槃八者於一切法無生無滅善修行故名爲涅槃九者真如法界實際平等得正智故名爲涅槃十者於諸法性及涅槃性得無差別故名爲涅槃是謂十法說有涅槃復次善男子菩薩摩訶薩如是應知復有十法能解如來應正等覺真實趣說有究竟大般涅槃云何爲十一者一切煩惱以樂欲爲本從樂欲生諸佛世尊斷樂欲故名爲涅槃二者以諸如來斷諸欲樂不取一法以不取故無去無來無所取故名爲涅槃三者以無去來及無所取是則法身不生不滅無生滅故名爲涅槃四者此無生滅非言所宣言語斷故名爲涅槃五者無有我人惟法生滅得轉依故名爲涅槃六者煩惱隨惑皆是客塵法性是主無來無去佛了知故名爲涅槃七者真如是實餘皆虛妄實性體者即是真如真如性者即是如來名爲涅槃八者實際之性無有戲論惟獨如來證實際法戲論永斷名爲涅槃九者無生是實生是虛妄愚癡之人漂溺生死如來體實無有虛妄名爲涅槃十者不實之法是從緣生真實之法不從緣起如來法身體是真實名爲涅槃善男子是謂十法說有涅槃復次善男子菩薩摩訶薩如是應知復有十法能解如來應正等覺真實趣說有究竟大般涅槃云何爲十一者如來善知施及施果無我我所此施及果不正分別永除滅故名爲涅槃三者如來善知忍及忍果無我我所此忍及果不正分別永除滅故名爲涅槃四者如來善知勤及勤果無我我所此勤及果不正分別永除滅故名爲涅槃五者如來善知定及定果無我我所此定及果不正分別永除滅故名爲涅槃六者如來善知慧及慧果無我我所此慧及果不正分別永除滅故名爲涅槃七者諸佛如來善能了知一切有情非有情一切諸法皆無性不正分別永除滅故名爲涅槃八者若自愛者便起追求由追求故受衆苦惱諸佛如來除自愛故永絕追求無追求故名爲涅槃九者有爲之法皆有數量無爲法者數量皆除佛離有爲證無爲法無數量故名

其二本俱作得  
爲同作於

憤宋作串

鏡明作境

爲涅槃。十者如來了知有情及法體性皆空。離空非有空性。即是眞法身故。名爲涅槃。善男子。是謂十法說有涅槃。復次善男子。豈惟如來不般涅槃。是爲希有。復有十種希有之法。是如來行。云何爲十一者。生死過失。涅槃寂靜。由於生死及以涅槃證平等故。不處流轉。不住涅槃。於諸有情不生厭背。是如來行。二者。佛於衆生不作是念。此諸愚夫行顛倒見。爲諸煩惱之所纏迫。我今開悟令其解脫。然由往昔慈善根力。於彼有情隨其根性。意樂勝解。不起分別。任運濟度。示教利喜。盡未來際。無有窮盡。是如來行。三者。佛無是念。我今演說十二分教。利益有情。然由往昔慈善根力。爲彼有情廣說。乃至盡未來際。無有窮盡。是如來行。四者。佛無是念。我今往彼城邑聚落。王及大臣婆羅門刹帝利薩舍戍達羅等舍。從其乞食。然由往昔身語意行慣習力故。任運詣彼。爲利益事而行乞食。是如來行。五者。如來之身。無有饑渴。亦無便利羸憊之相。雖行乞取而無所食。亦無分別。然爲任運利益有情。示有食相。是如來行。六者。佛無是念。此諸衆生。有上中下。隨彼機性而爲說法。然佛世尊。無有分別。隨其器量。善應機緣。爲彼說法。是如來行。七者。佛無是念。此類有情不恭敬我。常於我所出呵罵言。不能與彼共爲言論。彼類有情恭敬於我。常於我所共相讚歎。我當與彼共爲言說。然而如來起慈悲心。平等無二。是如來行。八者。諸佛如來。無有愛憎。憍慢貪惜及諸煩惱。然而如來常樂寂靜。讚歎少欲。離諸諍鬧。是如來行。九者。如來無有一法。不知不善通達。於一切處。隨智現前。無有分別。然而如來見彼有情所作事業。隨彼意轉。方便誘引。令得出離。是如來行。十者。如來若見一分有情得富盛時。不生歡喜。見其衰損。不起憂憾。然而如來見彼有情修習正行。無礙大慈。自然救攝。若見有情修習邪行。無礙大悲。自然救攝。是如來行。善男子。如是當知。如來應正等覺。說有如是無邊正行。汝等當知。是謂涅槃眞實之相。或時見有般涅槃者是權方便。及留舍利。令諸有情恭敬供養。皆是如來慈善根力。若供養者於未來世。遠離八難。逢值諸佛。遇善知識。不失善心。福報無邊。速當出離。不爲生死之所纏縛。如是妙行。汝等勤修。勿爲放逸。爾時妙幢菩薩聞佛親說。不般涅槃及甚深行。合掌恭敬白言。我今始知如來大師。不般涅槃。及留舍利。普益衆生。身心歸悅。歡未曾有。說是如來壽量品時。無量無數無邊衆生。皆發無等等阿耨多羅三藐三菩提心。時四如來忽然不現。妙幢菩薩禮佛足已。從座而起。還其本處。

金光明最勝王經卷第一

金光明最勝王經第一

黃九

金光明最勝王經卷第二

〔麗食〕宋場三元場〔明場〕

大唐三藏沙門義淨奉 制譯

分別三身品第三

種上三本俱無  
說字

爾時虛空藏菩薩摩訶薩。在大衆中從座而起。偏袒右肩。右膝著地。合掌恭敬頂禮佛足。以上微妙金寶之花寶幢。幡蓋而爲供養。白佛言。世尊。云何菩薩摩訶薩。於諸如來甚深祕密。如法修行。佛言。善男子。諦聽諦聽。善思念之。吾當爲汝分別解說。善男子。一切如來有三種身。云何爲三。一者化身。二者應身。三者法身。如是三身具足。攝受阿耨多羅三藐三菩提。若正了知速出生死。云何菩薩了知化身。善男子。如來昔在修行地中。爲一切衆生修種種法。如是修習至修行滿。修力故得大自在。自在力故隨衆生意。隨衆生行。隨衆生界。悉皆了別。不待時不過時。處相應時相應。行相應說法相應。現種種身。是名化身。善男子。云何菩薩了知應身。謂諸如來爲諸菩薩得通達故。說於眞諦。爲令解了生死涅槃。是一味故。爲除身見。衆生怖畏歡喜故。爲無邊佛法而作本故。如實相應。如如如智。本願力故。是身得現具三十二相八十種好。項背圓光。是名應身。善男子。云何菩薩摩訶薩。了知法身。爲除諸煩惱等障。爲具諸善法故。唯有如如如智。是名法身。前二種身。是假名有。此第三身。是眞實有。爲前二身而作根本。何以故。離法如如。離無分別智。一切諸佛無有別法。一切諸佛智慧具足。一切煩惱究竟滅盡。得清淨佛地。是故法如如。如如智攝一切佛法。復次善男子。一切諸佛利益自他。至於究竟。自利益者是法如如。利益他者是如如智。能於自他利益之事。而得自在。成就種種無邊用故。是故分別一切佛法。有無量無邊種種差別。善男子。譬如依止妄想。思惟說種種煩惱。說種種業。用說種種果報。如是依法如如。依如如智。說種種佛法。說種種獨覺法。說種種聲聞法。依法如如。依如如智。一切佛法自在成就。是爲第一不可思議。譬如畫空作莊嚴具。是難思議。如是依法如如。依如如智。成就佛法亦難思議。善男子。云何法如如。如如智。二無分別。而得自在事業成就。善男子。譬如如來入於涅槃。願自在故。種種事業皆得成就。法如如。如如智。自在事成。亦復如是。復次菩薩摩訶薩。入無心定。依前願力。從禪定起作衆事業。如是二法無有分別。自在事成。善男子。譬如日月無有分別。亦如水鏡無有分別。光明亦無分別。三種和合得有影生。如是法如如。如如智。亦無分別。以願



自在故。衆生有感現應化身。如日月影和合出現。復次善男子。譬如無量無邊水鏡。依於光故。空影得現。種種異相。空者即是無相。善男子。如是受化諸弟子等。是法身影。以願力故。於二種身現種種相。於法身地無有異相。善男子。依此二身。一切諸佛說有餘涅槃。依此法身說無餘涅槃。何以故。一切餘法究竟盡故。依此三身。一切諸佛說無住處涅槃。爲二身故。不住涅槃。離於法身無有別佛。何故。二身不住涅槃。二身假名不實。念念生滅不定住故。數數出現以不定故。法身不爾。是故二身不住涅槃。法身不二是故。不住涅槃。故依三身說無住涅槃。善男子。一切凡夫爲三相故。有縛有障。遠離三身不至三身。何者爲三。一者遍計所執相。二者依他起相。三者成就相。如是諸相不能解故。不能滅故。不能淨故。是故不得至於三身。如是一者三相。能解能滅能淨故。是故諸佛具足三身。善男子。諸凡夫人未能除遣此三心故。遠離三身不能得至。何者爲三。一者起事心。二者依根本心。三者根本心。依諸伏道起事心盡。依法斷道依根本心盡。依最勝道根本心盡。起事心滅故。得現化身。依根本心滅故。得顯應身。根本心滅故。得至法身。是故一切如來具足三身。善男子。一切諸佛於第一身與諸佛同事。於第二身與諸佛同意。於第三身與諸佛同體。善男子。是初佛身。隨衆生意有多種故。現種種相。是故說多。第二佛身。弟子一意故。現一相。是故說一。第三佛身。過一切種相。非執相境界。是故說名不一不二。善男子。是第一身。依於應身得顯現故。是第二身。依於法身得顯現故。是法身者。是真實有無依處故。善男子。如是一身。以有義故。而說於常。以有義故。說於無常。化身者。恒轉法輪處處隨緣。方便相續不斷絕故。是故說常。非是本故。具足大用。不顯現故。說爲無常。應身者。從無始來相續不斷。一切諸佛不共之法。能攝持故。衆生無盡用亦無盡。是故說常。非是本故。以具足用。不顯現故。說爲無常。法身者。非是行法。無有異相。是根本故。猶如虛空。是故說常。善男子。離無分別智。更無勝智。離法如如。無勝境界。是法如如是慧。如如是二種。如如如如。不一不異。是故法身。慧清淨故。滅清淨故。是二清淨。是故法身具足清淨。復次善男子。分別三身有四種異。有化身非應身。有應身非化身。有化身亦應身。有非化身亦非應身。何者化身非應身。謂諸如來般涅槃後。以願自在。故隨緣利益。是名化身。何者應身非化身。是地前身。何者化身亦應身。謂住有餘涅槃之身。何者非化身非應身。謂是法身。善男子。是法身者。二無所有。所顯現故。何者名爲二無所有。於此法身相及相處。二皆是無。非有非無。非一非異。非數非非數。非明非闇。如是如如。

## 王三本俱作生

## 離同作雜

智不見相及相處。不見非有非無。不見非一非異。不見非數非非數。不見非明非闇。是故當知境界清淨智慧清淨。不可分別。無有中。間。爲滅道本故。於此法身能顯如來種種事業。善男子。是身因緣境界處所。果依於本難思議故。若于此義。是身即是大乘。是如來性。是如來藏。依於此身得發初心。修行情心。而得顯現不退地心。亦皆得現一生補處心。金剛之心。如來之心。而悉顯現。無量無邊如來妙法。皆悉顯現。依此法身不可思議摩訶三昧。而得顯現。依此法身得現一切大智。是故二身依於三昧。依於智慧。而得顯現。如此法身。依於自體說常說我。依大三昧。故說於樂。依於大智。故說清淨。是故如來常住自在安樂清淨。依大三昧。一切禪定首楞嚴等。一切念處。大法念等。大慈大悲。一切陀羅尼。一切神通。一切自在。一切法平等攝受。如是佛法悉皆出現。依此大智。十力四無所畏。四無礙辯。一百八十不共之法。一切希有不可思議法。悉皆顯現。譬如依如意寶珠。無量無邊種種珍寶悉皆得現。如是依大三昧寶。依大智慧寶。能出種種無量無邊諸佛妙法。善男子。如是法身三昧智慧。過一切相不著於相。不可分別。非常非斷。是名中道。雖有分別體無分別。雖有三數而無三體。不增不減。猶如夢幻。亦無所執。亦無能執。法體如是。解脫處。過死王境。越生死關。一切衆生不能修行。所不能至。一切諸佛菩薩之所住處。善男子。譬如有人願欲得金。處處求覓。遂得金礦。既得礦已。即便碎之。擇取精者。爐中銷鍊。得清淨金。隨意迴轉。作諸鏤。種種嚴具。雖有諸用。金性不改。復次善男子。若善男子善女人。求勝解脫。修行世善。得見如來及弟子衆。得親近已。白佛言。世尊。何者爲善。何者不善。何者正修。得清淨行。諸佛如來及弟子衆。見彼問時。如是思惟。是善男子善女人。欲求清淨。欲聽正法。即便爲說。令其開悟。彼既聞已。正念憶持。發心修行。得精進力。除癡情障。滅一切罪。於諸學處。離不尊重。息掉悔心。入於初地。依初地心。除利有情障。得入二地。於此地中。除不逼惱障。入於三地。於此地中。除心軟淨障。入於四地。於此地中。除善方便障。入於五地。於此地中。除見真俗障。入於六地。於此地中。除見行相障。入於七地。於此地中。除不見滅相障。入於八地。於此地中。除不見生相障。入於九地。於此地中。除六通障。入於十地。於此地中。除所知障。除根本心入如來地。如來地者。由三淨故名極清淨。云何爲三。一者煩惱淨。二者苦淨。三者相淨。譬如真金。鎔銷治鍊。既燒打已。無復塵垢。爲顯金性。本清淨故。全體清淨。非謂無金。譬如濁水。澄淨清淨。無復滓穢。爲顯水性。本清淨故。非謂無水。如是法身與煩惱離。苦集除已。無復餘習。爲顯

鬼明作兌

佛性本清淨故非謂無體。譬如虛空煙雲塵霧之所障蔽。若除屏已是空界淨非謂無空。如是法身一切衆苦悉皆盡。故說爲清淨。非謂無體。譬如有人於睡夢中見大河水漂泛其身。遍手動足截流而渡。得至彼岸。由彼身心不懈退。故從夢覺已不見有水。彼此岸別。非謂無心。生死妄想既滅盡已。是覺清淨。非謂無覺。如是法界一切妄想不復生。故說爲清淨。非是諸佛無其實體。復次善男子。是法身者。惑障清淨能現應身。業障清淨能現化身。智障清淨能現法身。譬如依空出電。依電出光。如是依法身故能現應身。依應身故能現化身。由性淨故能現法身。智慧清淨能現應身。三昧清淨能現化身。此三清淨是法如。不異如。一味如。解脫如。究竟如。如是故諸佛體無有異。善男子。若有善男子善女人。說於如來是我大師。若作如是決定信者。此人即應深心解了如來之身無有別異。善男子。以是義故。於諸境界不正思惟。悉皆除斷。即知彼法無有二相。亦無分別。聖所修行。如如於彼無有二相。正修行故。如是如是一切諸障悉皆除滅。如如一切障滅。如是如是法如如智得最清淨。如如法界正智清淨。如是如是一切自在具足。攝受皆得成就。一切諸障悉皆除滅。一切諸障得清淨故。是名真如。正智真實之相。如是見者是名聖見。是則名爲真實見。佛何以故。如實得見法真如故。是故諸佛悉能普見一切如來。何以故。聲聞獨覺已出三界。求真實境不能知見。如是聖人所不知見。一切凡夫皆生疑惑。顛倒分別不能得度。如鬼浮海必不能過。所以者何。力微劣故。凡夫之人亦復如是。不能通達法如如故。然諸如來無分別心。於一切法得大自在。具足清淨深智慧故。是自境界不共他故。是故諸佛如來於無量無邊阿僧祇劫。不惜身命。難行苦行。方得此身最上無比。不可思議過。言說境是妙寂靜離諸怖畏。善男子。如是知見法真如者。無生老死壽命無限。無有睡眠亦無飢渴。心常在定。無有散動。若於如來起諍論心。是則不能見於如來。諸佛所說皆能利益。有聽聞者無不解脫。諸惡禽獸惡人惡鬼。不相逢值。由聞法故果報無盡。然諸如來無無記事。一切境界無欲知心。生死涅槃無有異想。如來所記無不決定。諸佛如來四威儀中。無非智攝一切諸法。無有不爲慈悲所攝。無有不爲利益安樂諸衆生者。善男子。若有善男子善女人。於此金光明經聽聞信解。不墮地獄餓鬼。傍生阿蘇羅道。常處人天。不生下賤。恒得親近諸佛。如來聽受正法。常生諸佛清淨國土。所以者何。由得聞此甚深法故。是善男子善女人。則爲如來已知已記。當得不退阿耨多羅三藐三菩提。若善男子善女人。於此甚深微妙之法一

枉三本俱作枉

品目同無金鼓二字

琉明作瑠下同將三本俱作持

惟同作唯

桴同作杖

經耳者當知是人謗如來不毀正法不輕聖衆一切衆生未種善根令得種故已種善根令增長成熟故一切世界所有衆生皆勸修行六波羅蜜多爾時虛空藏菩薩梵釋四王諸天衆等即從座起徧袒右肩合掌恭敬頂禮佛足白佛言世尊若所在處講說如是金光明王微妙經典於其國土有四種利益何者爲四一者國王軍衆強盛無諸怨敵離於疾病壽命延長吉祥安樂正法興顯二者中宮妃后王子諸臣和悅無諍離於諸佞王所愛重三者沙門婆羅門及諸國人修行正法無病安樂無枉死者於諸福田悉皆修立四者於三時中四大調適常爲諸天增加守護慈悲平等無傷害心令諸衆生歸敬三寶皆願修習菩提之行是爲四種利益之事世尊我等亦常爲弘經故隨逐如是持經之人所在住處爲作利益佛言善哉善哉善男子如是如是汝等應當勤心流布此妙經王則令正法久住於世

金光明最勝王經夢見金鼓懺悔品第四

爾時妙幢菩薩親於佛前聞妙法已歡喜踊躍一心思惟還至本處於夜夢中見大金鼓光明晃耀猶如日輪於此光中得見十方無量諸佛於寶樹下坐琉璃座無量百千大衆圍繞而爲說法見一婆羅門桴擊金鼓出大音聲聲中演說微妙伽他明懺悔法妙幢聞已皆悉憶持繫念而住至天曉已與無量百千大衆圍繞將諸供具出王舍城詣鷲峯山至世尊所禮佛足已布設香花右遶三匝退坐一面合掌恭敬瞻仰尊顏白佛言世尊我於夢中見婆羅門以手執桴擊妙金鼓出大音聲聲中演說微妙伽他明懺悔法我皆憶持惟願世尊降大慈悲聽我所說即於佛前而說頌曰我於昨夜中夢見大金鼓其形極殊妙周遍有金光猶如盛日輪光明皆普耀充滿十方界咸見於諸佛在於寶樹下各處琉璃座無量百千衆恭敬而圍繞有一婆羅門以桴擊金鼓於其鼓聲內說此妙伽他

金光明鼓出妙聲徧至三千大千界能滅三塗極重罪及以人中諸苦厄由此金鼓聲威力永滅一切煩惱障斷除怖畏令安隱譬如自在牟尼尊佛於生死大海中積行修成一切智能令衆生覺品具究竟咸歸功德海由此金鼓出妙聲普令聞者獲梵響證得無上菩提果常轉清淨妙法輪住壽不可思議劫隨機說法利群生能斷煩惱衆苦流貪瞋癡等皆除滅



若有衆生處惡趣 大火猛焰周遍身 若得聞是妙鼓音 即能離苦歸依佛 皆得成就宿命智  
能憶過去百千生 悉皆正念牟尼尊 得聞如來甚深教 由聞金鼓勝妙音 常得親近於諸佛  
悉能捨離諸惡業 純修清淨諸善品 一切天人有情類 殷重至誠祈願者 得聞金鼓妙音聲  
能令所求皆滿足 衆生墮在無間獄 猛火炎熾苦焚身 無有救護處輪迴 聞者能令苦除滅  
人天餓鬼傍生中 所有現受諸苦難 得聞金鼓發妙響 皆蒙離苦得解脫

現在十方界 常住兩足尊 願以大悲心 哀愍憶念我 衆生無歸依 亦無有救護 爲如是等類

能作大歸依 我先所作罪 極重諸惡業 今對十方前 至心皆懺悔 我不信諸佛 亦不敬尊親

不務修衆善 常造諸惡業 或自恃尊高 種姓及財位 盛年行放逸 常造諸惡業 心恒起邪念

口陳於惡言 不見於過罪 常造諸惡業 恒作愚夫行 無明闇覆心 隨順不善友 常造諸惡業

或因諸戲樂 或復懷憂惱 爲貪瞋所纏 故我造諸惡 親近不善人 及由慳嫉意 貪窮行詭詐

故我造諸惡 雖不樂衆過 由有怖畏故 及不得自在 故我造諸惡 或爲躁動心 或因瞋恚恨

及以飢渴惱 故我造諸惡 由飲食衣服 及貪愛女人 煩惱火所燒 故我造諸惡 於佛法僧衆

不生恭敬心 作如是衆罪 我今悉懺悔 於獨覺菩薩 亦無恭敬心 作如是衆罪 我今悉懺悔

無知謗正法 不孝於父母 作如是衆罪 我今悉懺悔 由愚癡憍慢 及以貪瞋力 作如是衆罪

我今悉懺悔 我於十方界 供養無數佛 當願拔衆生 令離諸苦難 願一切有情 皆令住十地

福智圓滿已 成佛導群迷 我爲諸衆生 苦行百千劫 以大智慧力 皆令出苦海 我爲諸含識

演說甚深經 最勝金光明 能除諸惡業 若人百千劫 造諸極重罪 暫時能發露 衆惡盡消除

依此金光明 作如是懺悔 由斯能速盡 一切諸苦業 勝定百千種 不思議總持 根力覺道支

修習常無倦 我當至十地 具足珍寶處 圓滿佛功德 濟渡生死流 我於諸佛海 甚深功德藏

妙智難思議 皆令得具足 唯願十方佛 觀察護念我 皆以大悲心 哀受我懺悔 我於多劫中